



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Spes & Fiducia, Cvrис Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 5. Sanguis Christi optimum antidotum contra desperationem.

[urn:nbn:de:hbz:466:1-49823](#)

que idcirco, *in sanguine suo moriantur*. Impij illi adamante sunt duriores : adamas hirci sanguine dicitur liquefcere ; illi autem neq; Christi quidem sanguine molliuntur. Homines autem carnales Adonidis sanguinem sanguini Christi anteponunt. Hinc ineluctibili desperationis nota maculantur ; quæ est totius malitiæ complementum. Nam vt D. Chrysostomus ait, *Peccantes non dolere magis Deum exacerbat, quam peccare. Hominem quidem exacerbans, & amicos, & vicinos rogas: & siue semel, siue amplius te repulerit iratus, non recedis, sed auges supplicationem; Deo verò tuo exacerbato, oscitas, & recedis, & delicias vacas : quomodo non ex hoc ipso magis irritabis eum? Quapropter dignus es terram subire, nec hunc solem intueri, neq; penitus spirare; quod tam facilem habens Dominum, & eum exasperas, & exasperans pœnitentiam non agis.*

S. Chry-
soft.hom.
46.ad po-
pulum,

§. V.

*Sanguis Christi optimum antidotum
contra desperationem.*

Quid ergo tanta Dei facilitas? quid patientia? quid clementia exigit? vt ne impij quidem, & toti carnei desperent. Ad hoc Deus homo factus est, ad hoc sanguinem fudit, vt impijs iratum judicem placaret, vt

B b 3 homi-

hominem animalem spiritualem faceret: ut nemo, quantumuis flagitosus, damnaretur. Qui igitur desperant, desperant tantum quia volunt, non quia debent. Immò non potest desperare; quisquis vult misericordias Domini ante oculos ponere, atque id expendere, quod peccatoribus grauissimis tam benignus pater exhibuit. Si enim eos ex cœno extraxit, qui toti in eo erant sepulti; an non poterunt extrahi, qui pedibus duntaxat luto immerguntur? In altera vita justitiam suam magis, in hac magis misericordiam suam vult ostendere: quam ut maximè manifestet, manifestat erga maximos peccatores. Pertinacissima sunt quædam scelera, fateor; sed longè potentius est antidotum sanguis Christi ad sanguinem peccati abluendum. Quid sanguis Christi nō posset, si sanguis martyrum tam efficax est, à Christi sanguine vim trahens? Nam vel istum legimus, duros tales, saxeosq; emolliisse, atque molles solidasse in virtutem; vt, infinita Numinis bonitate cognita, omnem mollitiem voluptatemque improbam, in fortitudinem, patientiamq; commutarent; martyrum Deum, vsq; ad tormenta exquisitissima, mortem amantium, exemplo.

§ VI.